

Ang Atong Umaabot

Candido Vasquez

Ang kaugmaon sa usa ka lungsod ikantandi ta sa usa ka sakayan. Kon nianang sakayan anaa ang mga sumasakay nga walay paghiusa, sa madugay ug madali sila mahibangga gayud sa bato sa kadautan. Kon sa laing bahin ang mga sumasakay adunay paghiusa dili ta usab kaduhaduhaan nga sila mahisangko gayud sa baybayon sa ilang mga tuyo, sa yuta sa ilang mga tinguba. Ang usa ka lungsod sama da nianang sakayana; ang iyang umaabut anaa ra sa mga kamot sa iyang mga anak. Ang iyang kapildihan anaa ra sa gahum sa mga HUDAS sa YUTANG NATAWHAN. Ang iyang kadaugan guminkan sa iyang mga anak nga makilungsodnon nga nagatukaw sa adlaw ug gabii alang sa iyang kaayohan.

Kon atong ukayon ang mga dahon sa kaagi sa kalibutan, mabasa ta ang nagka lain-lain nilang kaagi nga nahasulat sa ilang kapalaran. Adunay mga nasod nga gikan sa mga panlimbasog sa iyang mga anak na ngahimong kusganon ug bantugan. Adunay lungsod nga human moagi sa pagka makagagahumnaahimong mahuyang tungud sa pagbudhi sa iyang kaugalingong mga anak. Sama pananglit sa ROMA nga nahimong bantugan makagagahum, ug kahadlukan, gikan sa mga maayong pagdumala ni Caesar ug Augustus, apan, sa kapulihay nahimong mahuyang tungud sa dili maayong pagmando sa mga sumusunod nila. Ang pagtuon sa kaagi sa mga nasod, mapuslanon uyamut kay masayud kita sa mga nagka lainlaing butang nga makapahimong alaut sa usa ka lungsod. Kon kita masayud na nianang mga butanga ingogmahapsay na unya ang atong umaabut.

Usa sa angayng panaminan sa tanang Pilipinhon, mao ang kahimtang karon sa Tsina. Tutulo ka gatus ka tuig sukad karon ang maong lungsod mahusay ug walay gubot. Mga bulahan ang iyang mga anak bisan mga kabus..... Apan ang hangin sa kadautan mipadulong niadtong yutaa, ug karon anaa makita ta siyang nagaantus sa kapait sa kinabuhi, naga adulo tungod sa masubsub nga gubat. makalolooy uyamot ang iyang kahimtang kay tingaling matapus na lamang ang kalibutan apan dili na gayud kita makakitag mga alautnga sama kanila. Kining mga kaguola gumikan sa walay paghiusa ang iyang mga anak ug sa kanunay nilang paggukod sa ilang kaugalingnan kaayohan.

Kaninyo mga anak sa YUTANG PILIPINHON, kaninyo kang kansang kaugatan nagadagan ang dugo ni RIZAL, MABINI, ug del Pilar, mayong inyong sud-ongon ug hinumduman nga sa inyong luyo aduna kamoy silingan kang kansang mga mata natumog sa mga mapait nga luha sa kasakit, kang kansang kinabuhi nadigo sa mga kagul-anan; tutungod sa wala nilay pag lantaw sa unahan, tungod sa wala nilay pag palandong sa ilang umaabut. Kana mao usa ka buhing salamin nga ang lungsod ga walay paghiusa ug pag palandong sa umabut dili kita makakitag maayong kaugmaon. Kana maoy usa maayong liksiyon alang sa mga Pilipinhon aron ilang hisayran ang bili sa pagpalandong sa umabut.

Dinhi ning atong lungsod ingon sa atong hisayran bahin sa atong kagahapon makita ta

nga kita naga oadulong na sa atong kagawasan ug ingog mahimol na ang dalan padulong sa atong kaayohan kay kita nagpuyo man sa labing mali naw nga pag puyo. Karon ingog mahusay na sa atong panumduman ang atong umaabut, ug kita nasayud na ang mga paguyonuyon ug panaghiusa maoy labing maayo alang sa usa ka lungsod. Ang gugma sa YUTANG NATAWHAN gikinahanglan aron ang lungsod adunay maayong umaabut. Kon atong tumanon kanang tanan moabut da ang adlaw diin kitang tanan managawit sa himaya tungud sa kadaugan sa atong lungsod. Kanang adlaw dili lain kon dili ang adlaw nga umaabut, ang adlaw nga ang yugosa atong pagka ulipon bugtoon na sa kahayag sa atong KAGAWASAN.